



一修行施門。施有三義。謂若見一切來求索者。所有財物。隨力施與。捨自慳貪。令彼歡喜。即資生施也。若見厄難恐怖危逼。隨已堪任。方便救濟。令彼無畏。即無畏施也。若有衆生來求法者。隨已所解。方便爲說。不爲貪求名利恭敬。唯念自利利他。回向善提。即法施也。是名修行施門。二修行戒門。謂不作衆惡。遠離憤鬧。修頭陀行。乃至小罪。心生怖畏。慚愧改悔。不輕如來所制禁戒。常護譏嫌。防止過失。故名修行戒門。

梵語頭陀華言抖擻塵勞也

三修行忍

門謂能忍受他人損惱心不懷報亦當忍於利衰
毀譽稱譏苦樂等八法故名修行忍門四修進
門謂於諸善事心不懈退立志堅強勤修一切功
德自利利他速離衆苦是名修進門五修行止
觀門止謂遮止一切境界散亂之相隨順奢摩他
故觀謂分別因緣生滅之相隨順毗鉢舍那故以
此二義漸漸修習不相舍離令得成就是名修行

止觀門

梵語奢摩他華言止
梵語毗鉢舍那華言觀

布施離五種法

出優婆塞戒經

一不選有德無德謂菩薩行慧施時平等普濟不
擇冤親於有德人生愛敬心於無德人起憐愍心
是名不選有德無德二不說善惡謂菩薩行慧施
時以平等慈於善不善各隨所願普皆饒益是名
不說善惡三不擇種姓謂菩薩行慧施時無分種
姓貴賤凡有所需普皆施與是名不擇種姓四不
輕求謂菩薩行慧施時見來乞者起殷重心而給
所須以濟其乏是名不輕求五不惡口罵謂菩薩
行慧施時凡有求索者不出醜惡之語而毀辱之

是名不惡口罵。

施食獲五福報

出施食獲五福報經

一施命。謂人七日不得食則死。若能以食施之。即為施命。其施命者。得世世長壽。財富無量報。二施色。謂人不得食。顏色顛悴。若能以食施之。即為施色。其施色者。得世世端正。人見懽喜報。三施力。謂人不得食。身羸力弱。若能以食施之。即為施力。其施力者。得世世多力。終無耗減報。四施安。謂人不得食。心愁身危。不能自安。若人以食施之。即為施

安。其施安者。得世世安隱。不遇災患報。五施辯。謂人不得食。困不能言。若能以食施之。即為施辯。其施辯者。得辯慧通達。聞者喜悅報。

五戒配五常五行

出仁王經疏

一不殺配仁。慈愛好生曰仁。五行之木。亦主於仁。仁則不殺。故以不殺配仁也。二不盜配智。邪正明了曰智。五行之水。亦主於智。智則不盜。故以不盜配智也。三不邪淫配義。制事合宜曰義。五行之金。亦主於義。義則不邪淫。故以不邪淫配義也。四不

妄語配信。真實不欺曰信。五行之土亦主於信。信則不妄語。故以不妄語配信也。五不飲酒配禮。處事有則曰禮。五行之火亦主於禮。禮則防於過失。故以不飲酒配禮也。

五心

出宗鏡錄

一率爾心。率爾猶卒然也。謂人一念之心。初對於境。卒然任運而起。未分別善惡。是名率爾心。二尋求心。謂人一念之心。既對於境。明了即推尋求。覓而生分別。是名尋求心。三決定心。謂人一念之心。

於所緣境法。既能分別。則審知善惡。決定不謬。是名決定心。四染淨心。謂人一念之心。於法既審知。是善是惡。則染淨自然。而分是名染淨心。五等流心。等謂平等流。即流類。謂人一念之心。於善惡法。染淨既分。則各隨類相續。於善法則繼淨想。於惡法則繼染想。念念相續。前後無異。是名等流心。

修淨土五念門

出無量壽經論

一禮拜門。謂修淨土之人。清淨身業。面對阿彌陀如來。一心翹勤。恭敬禮拜。願生彼國。是名禮拜門。

梵語阿彌陀二讚歎門謂修淨土之人清淨口業

稱歎如來名號功德光明智相如實修行求生彼

國是名讚歎門三作願門謂修淨土之人清淨意

業發大誓願如實修行奢摩他求生彼國是名作

願門梵語奢摩他華言止四觀察門謂修淨土之

人用觀觀察則有三種一觀察彼佛國土功德莊

嚴二觀察阿彌陀佛功德莊嚴三觀察彼諸菩薩

功德莊嚴如實修行毗婆舍那求生彼國是名觀

察門梵語毗婆舍那華言觀五回向門謂修淨土

謂觀破昏暗之心也

之人觀察一切世間苦惱衆生願同生彼國土所
有自己功德善根悉以回向一切衆生共證無上
覺是名回向門

五悔出天台四教儀

五種皆稱悔者以其皆能滅罪故也懺悔則滅身

口意所作之業勸請則滅波旬請佛入滅之罪隨

喜則滅嫉他修善之愆回向則滅求生三界之心

發願則滅修行退志之過也梵語波旬華言惡三

也界一懺悔懺梵語具云懺摩華言悔過華梵無舉

故稱懺悔。懺名修來。悔名改往。謂修將來之善果。改已往之惡。因是為懺悔。二勸請。勸請有二。一者謂十方世界有佛將入涅槃者。勸請住世利濟衆生。二者謂十方世界有佛初成正覺者。勸請轉法輪度諸衆生。雖不面見諸佛。而虔心勸請。以達歸敬之誠。是為勸請。梵語涅槃。華言滅度。三隨喜。謂隨他修習善因。喜他得成善果。是為隨喜。四回向。謂三業所修一切諸善。乃至懺悔勸請隨喜種種功德。回施法界一切衆生。同證菩提。是為回向。三業者。身業。口業。意業也。

梵語菩提。華言真道。五發願。謂發誓願。要制其心。凡所修行。期證道果。若不要心。或恐退失。所謂若不發心。萬事不成。是故諸佛菩薩。莫不發諸誓願。而成正覺。是為發願。

瞻病五德

出四分律

僧祇律云。有比丘久病。佛因見之。躬與阿難。為其洗身及衣。又為說法。問云。汝曾看病否。答。不曾。佛言。汝既不看。誰當看汝。佛乃制戒。自今以後。令諸弟子。應看病比丘。若欲供養我。應供養病人。故說

瞻病有五德也。

梵語阿難
華言慶喜

一知病人可食不可食。

謂供給病人飲食所須當看其可食者則與之不

可食者則不與也。二不惡賤病人大小便利唾吐

謂若看病人所有大小便利唾吐臭穢但盡心親

近爲其洗滌無起惡賤之心也。三有慈愍心不爲

衣食謂或有病比丘死佛令常視病者受其衣物

時有略曾瞻病者亦取衣物佛言不應如是故看

病人但當以慈愍爲心不可爲衣食也。四能經理

湯藥物等謂病人若喜服藥及別所須當如實語

之應服與服不應服則不與也。五能爲病人說法
謂看病之人當爲說法能令病者歡喜亦令自己
善法有所增益也。

五道

出正法
念處經

五道者天人地獄餓鬼畜生也。若言六道則加阿

修羅此不言者以阿修羅一道攝於天人畜生餓

鬼諸趣之中故也。

梵語阿修羅
華言無端正

一天道天者最高

最上極大極尊受用出於自然快樂莫非如意由

昔廣修淨行故感此報是名天道。二人道人者忍

也。謂能安忍世間苦樂之境也。又仁也。如梵摩喻
經云。清信善人。守仁不殺。知足不盜。貞潔不淫。執
信之人。言不欺誑。忠孝之人。不嗜醉酒。蓋天地所
生。惟人爲貴。由習善行。報感此身。是爲人道。三地
獄道。地獄。謂在地之下也。婆沙論云。瞻部洲下過
五百踰繕那。乃有地獄。然此地獄。其量大小不同。
其壽延促各異。皆由衆生造極惡業。報盡命終。至
此受苦也。梵語瞻部洲。即閻浮提。華言勝金洲。四
梵語踰繕那。又云由旬。華言限量。
餓鬼道。謂此鬼類羸瘦醜惡。見者畏懼。窮年卒歲

不過飲食。或居海底。或近山林。樂少苦多。壽長劫
遠。由昔慳貪所報。獲此身也。五畜生道。畜生亦名
旁生。婆沙論云。畜謂畜養。謂其橫生覆身而行。稟
性愚癡。不能自立。爲他畜養。故名畜生。又名旁生
者。謂其形旁而行不正。徧在諸處。由昔惡業報生
此道也。

龍五不能隱形

出僧
護經

經云。佛與衆僧在給孤獨園。有海龍王變爲人形。
來求出家。諸比丘不知是龍。即度出家。時龍比丘

攝心坐禪龍性多睡即便睡眠不能隱形身滿房
中同住比丘後來入房見龍大驚喚衆比丘龍聞
喚聲即便覺悟還爲比丘跏趺坐禪大衆雲集但
見比丘不見龍形衆大驚疑即往白佛佛言此非
人也乃是龍王遂喚龍比丘來爲其說法令還龍
宮後不許比丘度龍出家故佛說此五種因緣也
一生不能隱形生不能隱形者謂龍初生之時但
是本形不能化爲異類之身也二死不能隱形死
不能隱形者謂龍報終之時必是本形不能化爲

異類之身也三姪不能隱形姪不能隱形者謂龍
交媾之時必是本形不能化爲異類之身也四瞋
不能隱形瞋不能隱形者謂龍瞋怒之時必是本
形不能化爲異類之身也五睡不能隱形睡不能
隱形者謂龍睡眠之時必是本形不能化爲異類
之身也

五見

出涅槃經

一身見謂於五陰中妄計有身強立主宰恒起我
見執我我所是名身見

五陰者色陰受陰想陰行陰識陰也執我我所者計

執一陰為我餘
四陰為我所也
二邊見謂計我身或斷或常執斷

非常執常非斷但執一邊是名邊見
三邪見謂邪

心取理顛倒妄見不信因果斷諸善根作闡提行

是名邪見
闡提梵語具云一闡提華言信不具外道名也
四戒取見謂於

非戒之中謬以為戒強執勝妙希取進行是名戒

取見五見取謂於非真妙法中謬計涅槃心生取

著妄計所得為勝是名見取

五上分結出天台四教儀集註

上分結者即色界無色界之結惑也一色愛結色

愛者即色界思惑也謂色界眾生雖無欲界羶染

貪愛而於上妙五欲取著無厭由此愛惑繫縛不

能出離故名結也五欲者色欲聲欲香欲味欲觸欲也二無色愛結

無色愛者即無色界思惑也謂無色界眾生雖無

色質而於受想等法未能捨離取著四空禪定欲

樂境界由此愛惑繫縛不能出離故名結也四空者即

無色界天中寶處識處無所有處非想非非想處也三掉結掉者動也謂上

二界眾生心念散動退失禪定由此掉心繫縛不

能出離故名結也上二界者色界無色界也四慢結慢者自恃

輕他也。謂上二界衆生，愛染未斷，慢心不息，由此慢心繫縛，不能出離，故名結也。五無明結，無明者，無所明了也。謂上二界衆生，耽著禪定，而於真性無所明了，由此無明繫縛，不能出離，故名結也。

五下分結 出天台四教儀集註

下分結者，即欲界之結惑也。一貪結，貪者貪著無厭也。謂欲界衆生，於順情境上起於貪心，無有厭足，由此貪惑繫縛三界，無有出期，故名結也。三界者欲界色界無色界也。二瞋結，瞋者忿怒之心也。謂欲界衆生

於違情境上起於瞋心，而不自己，由此瞋惑繫縛三界，無有出期，故名結也。三身見結，身見者謂欲界衆生，於名色五陰十二入十八界，妄計為身，由此見惑繫縛三界，無有出期，故名結也。即色身也。五陰者色陰受陰想陰行陰識陰也。十二入者眼耳鼻舌身入，意入，色入，聲入，香入，味入，觸入，法入也。十八界者眼界，色界，眼識界，耳界，聲界，耳識界，鼻界，香界，鼻識界，舌界，味界，舌識界，身界，觸界，身識界也。四戒取結，戒取者謂諸外道，於非戒中取以為戒，即邪戒也。由此邪執繫縛三界，無有出期，故名結也。五疑結，疑者迷心乖理

狐疑不決也。謂欲界衆生由此疑惑，迷真逐妄，背覺合塵，由此疑惑，繫縛三界，無有出期，故名結也。

五利使

出天台四教儀集註

利，即快利之義。謂此五種妄惑，動念即生，造次恒有也。使，即驅役之義。謂諸衆生爲此五種妄惑，驅

役心神，流轉三界，無有出期，故名使也。三界者，欲界、色界、無

也。色界一身見使，身見者，謂諸衆生於名、色、五陰、十

二、入十八界中，妄計爲身也。由此身見，驅役心神

流轉不息，故名爲使也。名、色者，名即心也，色即色身也。五陰者，色、陰、受、陰、想、陰、行

陰識、陰也。十二入者，眼、入、耳、入、鼻、入、舌、入、身、入、意、入、色、界、眼、識、界、耳、識、界、鼻、識、界、舌、識、界、身、識、界、意、識、界。二邊見使，邊見者，謂諸衆生於前之身見，或

執爲斷，或執爲常，各執一邊也。由此邊見，驅役心

神，流轉不息，故名爲使。三邪見使，邪見者，謂諸衆

生邪心，取理撥無因果，斷滅一切善根也。由此邪

見，驅役心神，流轉不息，故名爲使。撥者，絕也。四見取使

見取者，謂諸衆生於非真勝法中，謬計涅槃，生心

取著於邪見中，執爲正見也。由此見取，驅役心神

流轉不息故名為使。五戒取使。戒取者謂諸外道於非戒中謬以為戒。如鷄狗等邪戒。以為真戒。取以進行也。由此戒取驅役心神。流轉不息。故名為

使。鷄狗戒者謂外道自計前世從鷄狗中來。今即學鷄一足獨立。如狗取糞。

五鈍使

出天台四教儀集註

五鈍者。鈍即遲鈍也。謂此五種妄惑。由推前身見等五種利使而生。對利說鈍。故名鈍使。一貪欲使。貪即引取無厭也。謂諸眾生貪著世間色欲財寶。恣縱心情而無厭足。由此貪惑之所驅役。流轉三

界故名為使。

三界者欲界色界無色界也。

二瞋恚使。瞋即忿怒

謂諸眾生於違情境上起諸瞋恚。惱亂自他。由此

瞋惑之所驅役。流轉三界。故名為使。三無明使。無

明即迷惑不了。乃癡惑也。謂諸眾生以迷心緣境

於一切法不能明了。由此癡惑之所驅役。流轉三

界。故名為使。四慢使。慢即自恃輕他也。謂諸眾生

自恃種姓富貴。有德有才。輕蔑於他。由此慢心之

所驅役。流轉三界。故名為使。五疑使。疑即猶豫不

決也。謂諸眾生迷心乖理。不能通達法相。由此疑

惑之所驅役流轉三界故名爲使

五欲出天台四教儀

止觀云五塵非欲而其中有味能起行人須欲之

心故言五欲常能牽人入諸魔境故也五塵者色

塵味塵也一色欲謂男女形貌端莊及世間寶物玄

黃朱紫種種妙色能令眾生樂著無厭故名色欲

二聲欲謂絲竹環珮之聲及男女歌詠等聲能令

眾生樂著無厭故名聲欲三香欲謂男女身香及

世間一切諸香能令眾生樂著無厭故名香欲四

味欲謂種種飲食肴饌等美味能令眾生樂著無

厭故名味欲五觸欲謂男女身分柔軟細滑寒時

體溫熱時體涼及衣服等種種好觸能令眾生樂

著無厭是名觸欲

又五欲出華嚴經隨疏演義鈔

一財欲財即世間一切貨財也謂人以財物爲養

己之資故至貪求戀著不捨是爲財欲二色欲色

即世間青黃赤白及男女等色也謂人以色悅情

適意故至貪求戀著不能出離三界是名色欲三界

者欲界色界無色界也

三飲食欲飲食即世間有饒眾味也

謂人必假飲食資身活命故至貪求樂著無厭是

為飲食欲四名欲名即世間之聲名也謂人因聲

名能顯親榮已故至貪求樂著而不知止是為名

欲五睡眠欲睡眠即情識昏昧而睡眠也謂人之

睡眠亦有時節若怠惰放縱樂著無厭是為睡眠

欲

五蓋

出法界次第

蓋即蓋覆之義謂諸眾生由此貪等五惑蓋覆心

識而於正道不能明了沉滯三界不能出離也

者欲界色界無色界也

一貪欲蓋貪欲者引取無厭曰貪希

三界

須樂慕為欲謂諸眾生貪愛世間男女色聲香味

觸法及財寶等物無有厭足以此貪欲蓋覆心識

禪定善法不能發生沉滯三界不得出離故名蓋

也二瞋恚蓋瞋恚者即忿怒之心也謂諸眾生或

於違情境上或追憶他人惱我及惱我親而生忿

怒以此瞋恚蓋覆心識禪定善法不能發生沉滯

三界不得出離故名蓋也三睡眠蓋睡眠者意識

昏熟曰睡五情闇冥曰眠謂諸衆生以此睡眠蓋覆心識禪定善法不能發生沉滯三界無有出期故名蓋也五情者即眼耳鼻舌身五根也四掉悔蓋掉悔者掉動也身無故遊行為掉掉已思惟心中憂惱為悔謂諸衆生以此掉悔蓋覆心識禪定善法不能發生沉滯三界無有出期故名蓋也五疑蓋疑者猶豫不決之義即癡惑也謂諸衆生無明暗鈍不別真偽猶豫之心常無決斷以此疑惑蓋覆心識禪定善法不能發生沉滯三界無有出期故名蓋也

五苦

出析
玄記

一生老病死苦謂衆生初受生時在母腹中窄隘不淨及出胎時冷風觸身如被物刺至於衰老氣力羸劣動止不寧復有疾痛寒熱所惱至於命終四大分離神識飄散此等因緣悉皆是苦是為生老病死苦四大者地大水大火風大也二愛別離苦謂常所親愛之人乖遠離散不得共處是為愛別離苦三怨憎會苦謂常所憎惡之人欲其遠離而反共聚是為怨憎會苦四求不得苦謂於世間色聲之境及

一切利養種種可愛樂者。心欲而不能得。是為求不得苦。五五陰盛苦。五陰者。色受想行識也。陰即蓋覆之義。謂能蓋覆真性。不令顯發也。盛即盛大之義。謂前諸苦。皆是五陰之所聚集。是為五陰盛苦。

五妄想

出楞嚴經

一堅固妄想。堅固妄想者。即色陰也。謂諸眾生體。因想生。心因想起。命因想傳。諸想交固。以成色身。經云。汝現色身。名為堅固。第一妄想。二虛明妄想。

虛明妄想者。即受陰也。謂諸眾生欲想登高。足先酸澀。違順二相。損益現馳。是則受陰無體。虛有所明。經云。汝今現前。順益違損。二現驅馳。名為虛明。第二妄想。三融通妄想。融通妄想者。即想陰也。謂眾生念慮。是虛情。色身是實質。雖虛實不倫。而能相使者。由想融之也。心生虛想。形取實物。其心形異用。而能相應者。由想通之也。至於寤寐。心境相隨。而無間斷者。皆妄想也。經云。則汝想念。搖動妄情。名為融通。第三妄想。四幽隱妄想。幽隱妄想者。

即行陰也。謂衆生一期色身生化之理。自幼至衰。無暫停息。運運密移。體遷無覺。經云。則汝諸行念。念不停。名為幽隱。第四妄想。一期者從生至死也。五顛倒妄想。亦名微細精想。顛倒妄想者。即識陰也。謂衆生識精之湛。非真湛然。如急流水。望似恬靜。其實流急。細不可見。經云。則湛了。內罔象虛無。名為第五顛倒微

細精想

大劫五喻 出大藏一覽

一草木喻。謂大千世界草木。皆寸斬為籌。人間百

年。但取一籌。取盡此籌。乃為一劫。是名草木喻。劫

語具云劫波華言分別時節二沙細喻。謂殑伽河廣四十里。滿

中沙細如麩。人間百年。但取一粒。取盡此沙。乃為

一劫。是名沙細喻。梵語殑伽華言天堂來。謂其從高處流來也。三芥子

喻。謂有城四方。而各百里。其中滿堆芥子。人間百

年。但取一粒。取盡此芥。乃為一劫。是名芥子喻。四

碎塵喻。謂以大千世界。碎為微塵。人間百年。但取

一塵。取盡此塵。乃為一劫。是名碎塵喻。五拂石喻。

謂一石廣二由旬。厚半由旬。堯率天一百年。以六

鉢衣拂一徧拂盡此石乃為一劫是名拂石喻梵語

由旬華言限量梵語兜率華言
如足六鉢衣者謂衣重六鉢也

五五百年出華嚴經隨
疏演義鈔

五五百年者乃如來出世正像末法之年數也謂
正法一千年像法一千年末法一萬年今以二千
五百年分為五者其初二五百年為正法之時有
修證解脫禪定之人次二五百年為像法之時人
雖有修行而無證果唯有多聞布施之者後五百
年乃末法一萬年之初五百年也此時之人無修

無證但以聞諱而為正修以法有盛衰不同故分
此五五百年也第一五百年解脫堅固解脫即自
在之義謂諸比丘於正法五百年中不攻異學唯

務大乘利益衆生解脫自在堅固不變也梵語比
丘華言

乞第二五百年禪定堅固謂諸比丘於正法五百

年中厭居生死求證涅槃頓息攀緣深修禪定堅

固不變也第三五百年多聞堅固謂諸比丘於像

法五百年中少持戒律怠習禪定唯尚多聞依語

生解堅固不變也第四五百年塔寺堅固謂諸比

丘於像法五百年中少習禪定喜種福田廣結善緣多修塔寺堅固不變也第五五百年闍諍堅固謂諸比丘於末法五百年中不修戒律唯尚闍諍增長邪見堅固不變也

五濁

出法苑珠林

一衆生濁謂衆生多諸弊惡不孝敬父母尊長不畏惡業果報不作功德不修齋法是名衆生濁二見濁謂正法已滅像法漸起邪法轉生邪見增盛不修善道是名見濁三煩惱濁謂衆生多諸愛欲

慳貪闍諍諂曲虛誑攝受邪法惱亂心神是名煩惱濁四命濁謂往古世時人壽八萬四千歲今時人壽轉減百歲者稀以惡業增故壽數短促是名命濁五劫濁劫梵語具云劫波華言分別時節謂減劫中人壽減至三十歲時饑饉災起減至二十歲時疾疫災起減至一十歲時刀兵災起世界衆生無不被害是名劫濁

日行五風

出起世因本經

經云佛告諸比丘日天宮殿縱廣五十一由旬上

下四方悉皆正等。牆壁欄楯皆以金銀瑠璃所成。宮殿之形四方。遠看似圓。宮殿之中有五種風吹轉而行。故名日行五風也。

月宮亦有五風。衆寶嚴飾。種種牆壁欄楯。與日

宮無異。但縱廣止有四十九由旬也。梵語由旬。華言限量。

一持持者任持也。謂

日宮殿因風任持。行於空中而不墜落也。二住住者安住也。謂日宮殿因風任持之力。而於空中得安住也。三隨順轉。謂日宮殿因風所吹。而於空中任運隨轉也。四波羅訶迦。梵語波羅訶迦。月宮殿中亦有五風。餘風名義皆同。唯第四一種名攝。疑

此日宮波羅訶迦亦是攝之義也。攝者攝持也。謂日宮殿因風攝持而行也。五將行。謂日宮殿因風將助能於空中速疾而行也。

五精舍

出翻譯名義

釋迦譜云。息心所栖。故曰精舍。行者精練之所也。一給孤獨園。給孤獨長者之名。以其仁而聰敏。積而能散。賑乏濟貧。哀孤恤獨。時美其德。號給孤獨。嘗側金布地。以買祇陀太子園。遂名給孤獨園。因建精舍奉佛。佛於其中說法也。

梵語祇陀華言戰勝

二鷲嶺

鷲嶺山名也。以其山形似於鷲鳥，故名焉。中為精

舍，佛居此而說法也。三獼猴江，獼猴江者，以獼猴

嘗於此江沐浴，故以名焉。大智度論云：毗耶離有

一精舍，名獼猴池。佛曾於此說法，翻譯名義云：那

蘭陀池旁建伽藍，即其處也。梵語毗耶離華言廣

施無厭佛昔行菩薩道時為大國王建都此地憐愍眾生好樂周給時美其德號施無厭伽藍梵語

其云僧伽藍華言衆園四菴羅樹園梵語菴羅華言柰果名

也。此樹開華華生一女，國人歎異，以園封之。園既

屬女，女人守護，故言菴羅樹園。此女以宿善冥熏

見佛歡喜，以園奉佛，佛即受之。於中建立精舍而

說法也。五竹林精舍，大智度論云：竹林精舍在耆

闍崛山中，其地平坦，嚴淨勝於餘處。佛曾於中說

法，故有精舍。或云：迦蘭陀竹園是也。梵語耆闍崛華言靈鷲迦

蘭陀無翻

五體出華嚴經隨疏演義鈔

凡禮敬三寶，必須五體投地，所以折伏憍慢，用表

虔誠故也。三寶者佛寶法寶僧寶也一右膝，疏云：願我右膝著

地之時，令諸衆生得正覺道也。二左膝，疏云：願我

左膝著地之時令諸衆生於外道法不起邪見悉
得安立正覺道中也三右手疏云願我右手著地
之時猶如世尊坐金剛座地震現瑞證大菩提也
梵語菩提四左手疏云願我左手著地之時令諸
華言道衆生遠離外道難調伏者以四攝法而攝取之令
入正道也四攝法者布施攝愛語攝利行攝同事攝也五首頂疏云願
我首頂著地之時令諸衆生離憍慢心悉得成就
無見頂相也

出世五食

出華嚴經疏

謂世間之食但能資益生死之身修行之人於世
美味心不貪嗜常持正念以禪悅法喜等爲食則
能長養善根出離生死成就菩提故有出世間五

種食也

梵語菩提華言道

一念食謂修聖道之人常持正

念長養一切善根如世之食資益身根是爲念食
二法喜食謂修出世行人愛樂大法資長道種心
生歡喜是爲法喜食三禪悅食謂修出世行人由
得定力自資長養慧命道品圓明心常喜樂是爲
禪悅食四願食謂修聖道之人以願持身不捨萬

行長養一切善根如世之食資益身根是為願食
五解脫食解脫即自在之義也謂修聖道之人離
諸業縛於法自在即得長養一切菩提善根如世
之食資益身根是為解脫食

五種淨食

出根本有部毗奈耶集

佛制諸禁戒令諸比丘勿啖生氣若有草菜瓜果
當以火刀爪等先淨之方可得食故有此五種淨
食也梵語比丘華言乞士生氣即生物也一火淨謂一切瓜果等物
先當以火燒煮令熟後方食之是名火淨律云以

火觸著是也二刀淨謂一切瓜果等物先當以刀
去其皮核然後食之是名刀淨律云以刀損壞是
也三爪淨謂一切瓜果等物先當以爪甲去其皮
殼然後食之是名爪淨律云以爪甲傷損是也四
薦乾淨薦乾者物不鮮也謂一切瓜果等物自薦
自乾不堪為種比丘當食是名薦乾淨律云自薦
乾不堪為種是也五鳥啄淨謂一切瓜果等物若
因鳥啄殘損比丘可食是名鳥啄淨律云鳥嘴啄
損是也

五種淨肉

出楞嚴經會解

一不見殺謂眼不曾見殺者是為淨肉二不聞殺謂耳不曾聞殺聲者是為淨肉三不疑為我殺謂知彼為祠天等故殺而不專為我殺是為淨肉四自死謂諸鳥獸命盡自死者是為淨肉五鳥殘謂鷹鷂等所食鳥獸餘殘者是為淨肉

五種不應施

出法苑珠林

一非理求財謂不順理所得財物是不淨物故不應施與人也二酒及毒藥謂酒及毒藥能令眾生

狂亂失命故不應施與人也三罝羅機網罝菟網也羅鳥網也機機弩也網即網罟也皆設以掩取禽獸者心謂是惱害眾生之器故不應施與人也四刀杖弓箭謂刀杖弓箭是殺害眾生之器故不應施與人也五音樂女色謂音樂女色而能惑亂眾生正性故不應施與人也

五果

出翻譯名義

律戒比丘不噉生物謂如棗杏等果必以火熟之方食膚殼之果須以刀去皮然後食故說此五果

之名也。一核果。核果者。謂棗杏等。二膚果。膚果者。謂梨柰等。三殼果。殼果者。謂椰子胡桃石榴等。四穉果。穉果者。謂松柏等子。五角果。角果者。謂大小諸莖等是也。

五辛

出梵網經

首楞嚴經云。是五辛熟食發姪。生啖增恚。十方天仙嫌其臭穢。咸皆遠離。諸餓鬼等。舐其脣吻。常與鬼住。福德日銷。大力魔王。現作佛身。來為說法。非毀禁戒。讚姪怒癡。命終為魔眷屬。永墮無間地獄。

是故求菩提者。當斷世間五種辛菜也。一大蒜。大蒜者。至葷至辛之物也。二荅葱。荅葱者。薤也。其形似韭。類山葱也。三慈葱。慈葱者。乃葱之正名也。四蘭葱。蘭葱者。即小蒜也。雜阿含經云。非小蒜木葱是也。木葱。即韭也。五興渠。興渠者。葉如蔓菁。根如蘿蔔。生熟皆臭。如蒜出于闐國。華夏不產。故不翻。

五明

出華嚴經疏鈔

一聲明。聲。即聲教。明。即明了。謂世間文章算數之法。皆悉明了。通達。故名聲明。二因明。因。萬法生起。

之因。謂世間種種言論及圖書印璽地水火風萬法之因。皆悉明了通達。故曰因明。三醫方明。醫方醫治之方法也。謂世間種種病患。或癩癩蠱毒。四大不調。鬼神咒詛。寒熱諸病。皆悉曉了其因。通達對治。故曰醫方明。四工巧明。工即工業。巧即巧妙。謂世間文詞讚詠。乃至營造城邑。農田商賈。種種音樂卜算天文地理。一切工業。巧妙皆悉明了。通達。故曰工巧明。五內明。內即佛法內教也。謂以持戒治破戒。以禪定治散亂。以智慧治愚癡。乃至種

種染淨邪正。生死涅槃。皆悉明了通達。故曰內明。

五

眼出大智度論

眼。即照燭之義。瑜伽師地論云。能觀衆色。故名爲眼。眼是總名。從用分別。則有五種。一肉眼。肉眼者。假父母氣血所成也。即人中能見之眼。見近不見遠。見前不見後。見內不見外。見晝不見夜。見上不見下。因有色質障礙故也。二天眼。天眼者。謂諸天因修禪定而得也。此眼遠近前後內外晝夜上下。皆悉能見。以無色質障礙故也。三慧眼。慧眼者。謂

二乘之人以所得慧眼觀一切法皆空不見有衆
生相及滅一切異相捨離諸著不受一切法也四
法眼法眼者菩薩爲度衆生以清淨法眼徧觀一
切諸法能知能行謂因行是法得證是道亦知一
切衆生種種方便門令修令證也五佛眼佛眼者
謂具前四眼之用無不見知如人見極遠處佛見
則爲至近人見幽暗處佛見則爲顯明乃至無事
不見無事不知無事不聞聞見互用無所思惟一
切皆見也

